

Broj: 13/12-02-2-1107-2/20

Datum: 12.10.2020. godine

Primljeno: 21-10-2020			
Org. jed.	Broj	Priloga	Vrijednost
05	2 - 02 -	173	/20

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
n/p Izmir Hadžić, sekretar

PREDMET: Odgovor na delegatsko pitanje delegata Rame Ishaka

Vlada Federacije Bosne i Hercegovine je aktom broj:03-04-982/20 od 10.08.2020. godine dostavila delegatsko pitanje, koje je postavio Ramo Isak, delegat u Domu naroda Parlamenta Federacije Bosne i Hercegovine, a koje glasi:

1. Kolika je plaća direktora Sarajevo osiguranja d.d. Sarajevo, direktora poslovnica Sarajevo osiguranja d.d. Sarajevo, koliko iznosi naknada predsjednika i članova Nadzornih odbora, kao i imena i prezimena lica koja obnašaju funkciju direktora Sarajevo osiguranja i direktora poslovnica Sarajevo osiguranja kao i imena i prezimena predsjednika i članova Nadzornih odbora ili Upravnih odbora (organa upravljanja u Sarajevo osiguranju).

Od 2011. godine Porezna uprava Federacije BiH vodi evidenciju o uplaćenim obaveznim doprinosima na isplaćene plaće zaposlenika na osnovu mjesečne prijave podataka o doprinosima, a po dostavljenim obrascima od strane poslodavaca MIP-1023 -Mjesečni izvještaj o isplaćenim plaćama, ostvarenim koristima i drugim oporezivim prihodima zaposlenika od nesamostalne djelatnosti, plaćenim doprinosima i akontaciji poreza na dohodak, shodno Zakonu o Jedininstvenom sistemu registracije, kontrole i naplate doprinosa („Službene novine Federacije BiH”, broj: 42/09, 109/12, 86/15 i 30/16).

Članom 8. Zakona o jedinstvenom sistemu registracije, kontrole i naplate doprinosa je propisano da se podaci iz Jedininstvenog sistema koriste u cilju ostvarivanja prava iz penzijskog i invalidskog osiguranja, zdravstvenog osiguranja i prava na osnovu osiguranja u slučaju nezaposlenosti, kao i da se lični podaci o osiguranim licima prikupljeni u skladu sa odredbama ovog Zakona mogu koristiti samo u skladu sa Zakonom o zaštiti ličnih podataka ("Službeni glasnik BiH", broj 49/06, 76/11 i 89/11).

U članu 3. Zakona o zaštiti ličnih podataka BiH propisano je da lični podaci znače bilo koju informaciju koja se odnosi na fizičko lice koje je identificirano ili se može utvrditi identitet lica, a u član 17. da se ne mogu dati lični podaci korisniku prije nego što se o tome obavijesti nosioc podataka. Ako nosilac podataka ne odobri davanje ličnih podataka, oni se ne mogu otkriti trećoj strani osim ako to nije u javnom interesu.

Nadalje u članu 79. stav 4. Zakona o radu propisano je da pojedinačne isplate plaće nisu javne.

Takođe, po stavu Agencije za zaštitu ličnih podataka koji su izneseni u aktu broj 03-1-37-2-1043-2/13 BA od 27.11.2013. godine (u prilogu) u pogledu javnog objavljivanja podataka o primanjima navedeno je „valjan pravni osnov“, koji se iskazuje u obliku „utvrđenog javnog interesa“, „zakonom utvrđene nadležnosti“ i „zakonit interes treće strane“, ili „saglasnost nosioca podataka“. Pored navedenog u istom se pravi jasna distinkcija između zaposlenih u privatnom sektoru i javnom sektoru („korisnici budžetskih sredstava“), te slijedom navedenog vrijedi zaključak da je za zaposlene u privatnom sektoru u svrhu javne objave podataka o platama potrebna saglasnost nosioca podatka, a za zaposlene u javnom sektoru objavljivanje podataka o platama je u javnom interesu. Pomenuto je zasnovano na činjenici kako su prihodi ostvareni, odnosno da li su ostvareni u firmi koja je osnovana za sticanje dobiti ili su prihodi ostvareni u javnom organu iz budžeta.

Obzirom da Vlada Federacije BiH učestvuje u vlasništvu Sarajevo osiguranja d.d. Sarajevo sa 45%, što je definiše kao najvećeg pojedinačnog vlasnika dionica, dok je preko 50% privatno vlasništvo, i da se plaće Uprave društva kao i nadzornog odbora ne isplaćuju iz budžeta, nego u zavisnosti od ostvarenih prihoda na tržištu, a u vezi Zakona o zaštiti ličnih podataka, dostavili smo upit Agenciji za zaštitu ličnih podataka, da li možemo da damo podatke o iznosu plaća i naknada, te u zavisnosti od stava iste dostavit ćemo vam podatke.

Što se tiče vašeg upita o imena i prezimena lica koja obnašaju funkciju direktora Sarajevo osiguranja i direktora poslovnica Sarajevo osiguranja, kao i imena i prezimena predsjednika i članova Nadzornog odbora (organa upravljanja u Sarajevo osiguranju), je nesporno, jer su podaci o Upravi javno objavljeni na web stranici Sarajevo osiguranja d.d. Sarajevo, kao i podaci o imenima i prezimenima članova Nadzornog odbora (a koji se objavljuje i u Službenim novinama FBiH).

Shodno navedenom dostavljamo vam imena i prezimena kao i funkcije za Upravu društva i Nadzorni odbor kako slijedi: Arif Kulić-direktor društva, Senad Arslanagić-Izvršni direktor za funkciju osiguranja, Edin Muhović-Izvršni direktor za finansije i podršku, a koji su u bazi Jedinственog sistema i prijavljeni sa navedenim zanimanjima, zatim Ifeta Fazlić-predsjednik Nadzornog odbora, a Vahidin Omanović, Mario Glibić, Edina Dizdar i Džemil Sabrihafizović članovi Nadzornog odbora.

S poštovanjem,

Dostavljeno:

1. Naslovu
2. Evidencija
3. a/a



DIREKTOR

Mr. sc. Šerif Isović